

〔新儀式四時〕天文密奏事

若有天文變異其道博士并蒙宣旨獻密奏者具勘錄其變異先觸第一大臣加封返與博士博士以之

參藏人所付藏人奏之若其奏文有可重慎或依眞言教而令祈請佛天或仰陰陽道而令祭禱星辰

〔西宮記臨時〕進天文密奏人事上卿奉勅可仰下獻

〔西宮記臨時〕依天變上密奏事

非蒙宣旨而輒視望天文事 罪載在法條

天文道被宣旨之者注奏事密封奉覽第一上卿上卿見畢如本加封返給即至藏人所進奏一大臣必兼陰陽寮

別當仍加封之天文道有勅事之時奏事大臣傳取付藏人奏之

〔侍中群要七〕天文密奏事

博士參腋陣藏人出對取奏書還上插殿上文刺奏之件書早可備御覽之故追御所奏之雖御物忌猶奏之御覽了留御所抑追御所之事可有用心歟又博士早旦參著藏人不堪束帶乍布跨取文刺奏之如朝候之次也

天文密奏御馬走奏諸御贊解文等之類不必可束帶雖布袴可奏也或朝候之次奏之凡早可備觀覽之故也御贊等有可供朝膳之物隨仰左右云々

〔禁秘御抄下〕天文密奏

天文正權博士并密奏者每有天變奉奏書司天先參內覽人許執柄覽之加封返則司天給之持參內裏於殿上口申事之由藏人取之付內侍天子覽之執柄加封者深恐外見之故也封上書執柄片名假令家實書家字良經書良字也日月蝕翌日奏又同殊大事變出現之時不能進奏倒衣馳參夏始著冬裝束冬始著夏裝束有例

〔三代實錄一清和〕天安二年八月廿九日丁巳陰陽寮奏言夜有星入紫微宮赤如炎火長十餘丈